

Գաւառներ	Ընդհ. բնիչ.	Հայ. %	Մահմ. %	Այլք %
1. Էջմիածնի գ.	132	95 — 72	36 — 27	1 — 1
2. Երեւանի գ.	238	154 — 65	73 — 31	11 — 4
3. Նոր-Բարազ. գ.	146	100 — 68	45 — 32	1 — 1
4. Շարուրի գ. (եւ Գարալագ.)	98	18 — 19	70 — 91	— — —
5. Նախիջուանի գ.	143	58 — 41	84 — 58	1 — 1
6. Սուրմալուի գ.	109	34 — 31	63 — 58	12 — 11
Ընդամենը	866	459 — 54	371 — 43	26 — 3

Այս աղիւսակից տեսնում ենք ուրեմն՝ նախագծուած նահանգում, որ ունենալու էր ընդամենը 866 հազար բնակիչ, հայ տարրի թիւը լինելու էր 459 հազար եւ կամ 54 տոկոս ողջ բնակչութեան, իսկ մահմետականներինը (թուրք-թաթար, քիւրդ եւ այլն) — 371 հազար եւ կամ 43%: Մնացեալը՝ ուրիշ տարրեր: Ուրիշ խօսքով, հայութիւնը կազմելու էր թէեւ մեծամասնութիւն, բայց ոչ շատ ուժեղ (54 առ հարիւր): Մահմետականութիւնը լինելու էր զօրեղ փոքրամասնութիւնը (43 առ հարիւր):

Ծրագրուած վեց գաւառներից էլ հայերը մեծամասնութիւն էին կազմելու երեքում մի-այն (յեռնային գօտի), իսկ մնացած երեքում — մահմետականները (դաշտային գօտի):

Նախագծուած Շիրակի նահանգի (Ալեքսպոլ) մէջ պիտի մտնէին հետեւեալ գաւառները — Ալեքսանդրապոլի, Ախալքալաքի, Լոռիի, Կարսի եւ Կաղզուանի: Հայկական այս երկրորդ նահանգն էլ ունենալու էր հետեւեալ պատկերը. (1000-ական բնակիչներ):

Գաւառներ	Ընդհ. բնիչ.	Հայ. %	Մահմ. %	Այլք %
1. Ալեքսպոլի գ.	204	160 — 83	22 — 11	12 — 6
2. Ախալքալ. գ.	120	94 — 79	10 — 8	16 — 13
3. Լոռիի գ.	120	92 — 77	14 — 12	14 — 11
4. Կարսի գ.	193	83 — 43	49 — 25	61 — 32
5. Կաղզուանի գ.	82	35 — 43	26 — 32	21 — 23
Ընդամենը	719	474 — 66	121 — 17	124 — 17

Այս աղիւսակից էլ տեսնում ենք, որ նախագծուած Շիրակի նահանգը ունենալու էր ընդամենը 719 հազար բնակիչ, որից հայ՝ 474 հազար (66 տոկոս), մահմետական՝ 121 հազար (17 տոկոս), այլ ազգութիւններ՝ 124 հազար (17 տոկոս): Ուրիշ խօսքով՝ հայութիւնը այդ նահանգում տոկոսային չափով աւելի ուժեղ պիտի ներկայացուած լինէր, քան Երեւանի նահանգում: Նախագծուած գաւառների ցանկից երեւում է, որ հայութիւնը ներկայացրնելու էր բացարձակ եւ զգալի մեծամասնութիւն (77-83%) երեքում, իսկ երկուսում էլ՝ համեմատական մեծամասնութիւն (43%):

Ի՞նչ էր լինելու նախագծուած երրորդ՝ Գանձակի նահանգի պատկերը, որ իր մէջ առնելու էր հետեւեալ չորս գաւառները — Իջևանի (Քարվանսարա), Գանձակի (Լեռնային), Շուշիի եւ Զանգեզուրի:

Ահա այն. (բնակչութեան թիւը հաշուած է 1000-ներով):

Այս նոր նահանգում էլ, ուրեմն, որ պիտի հաշուէր ընդամենը 529 հազար բնակիչ, հայ տարրի թիւը կազմելու էր 365 հազար եւ կամ 70%, մահմետականներինը՝ 134 հազար կամ 25%: Այստեղ եւս հայութիւնը կազմելու էր զգալի մեծամասնութիւն, — ինչպէս